

ქალაქ თბილისის მუნიციპალიტეტის საკრებულოს ქონების მართვის და საფინანსო
საბიუჯეტო კომისიის სხდომის

ოქმი № 21

15 ივნისი 2018 წ

ქ.თბილისი, თავისუფლების მოედანი №2

12:00 სთ

სხდომა ჩატარდა სარევიზიო, სპორტისა და ახალგაზრდულ საქმეთა, ურბანული დაგეგმარების და საქალაქო მეურნეობის, სატრანსპორტო და ეკონომიკური განვითარების და საინვესტიციო პოლიტიკის კომისიებთან ერთად.

მოწვეული სტუმრები:

საფინანსო საქალაქო სამსახური-გაიოზ თალაკვაძე, ლევან მიქავა

ქონების მართვის და საფინანსო საბიუჯეტო კომისიის წევრებიდან სხდომას ესწრებოდნენ :

1. კომისიის თავმჯდომარე - ირაკლი ზარქუა

2. კომისიის წევრები: ლევან დავითაშვილი, რამინა ბერაძე, ალექსანდრე ხუჯაძე, დავით უთმელიძე, ლევან დარახველიძე, ირაკლი ნადირაძე, გოჩა თევდორაძე და ვახტანგ შაქარაშვილი.

ქონების მართვის და საფინანსო საბიუჯეტო კომისიის სხდომა უფლებამოსილია, რადგან სხდომას ესწრებოდა კომისიის წევრთა უმრავლესობა.

გაერთიანებული კომისიების სხდომას თავმჯდომარეობდა ირაკლი ზარქუა.

სხდომის თავმჯდომარე მიესალმა სხდომაზე დამსწრე კომისიების წევრებს და გააცნო დღის წესრიგი.

1. „ქალაქ თბილისის მუნიციპალიტეტის 2018 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2017 წლის 15 დეკემბრის №6-8 დადგენილებაში ცვლილების შეტანის შესახებ.

(№12-031816495-03)

დღის წესრიგი დამტკიცებული იქნა.

საკითხი წარადგინა გაიოზ თალაკვაძემ. მან აღნიშნა, რომ ქალაქ თბილისის მუნიციპალიტეტის 2018 წლის ბიუჯეტში ცვლილებები ძირითადად ხორციელდება, საქართველოს მთავრობის 2018 წლის 28 მაისის N1205 განკარგულების საფუძველზე, ქალაქ თბილისის მუნიციპალიტეტის ტერიტორიაზე გზების სარეაბილიტაციო

ღონისძიებების დასაფინანსებლად, სახელმწიფო ბიუჯეტში გათვალისწინებული საქართველოს რეგიონებში განსახორციელებელი პროექტების ფონდიდან გამოყოფილი 10 000,0 ათასი ლარის ქალაქ თბილისის მუნიციპალიტეტის 2018 წლის ბიუჯეტში ასახვის მიზნით. აღნიშნულიდან გამომდინარე წარმოდგენილი პროექტით ბიუჯეტის მოცულობა იზრდება და შეადგენს 906 863,6 ათას ლარს.

ასევე, წარმოდგენილ პროექტში გათვალისწინებულია ქალაქ თბილისის მუნიციპალიტეტის მერიის სტრუქტურული ერთეულებისა და რაიონის გამგებების მიერ „სახელმწიფო შესყიდვების შესახებ“ საქართველოს კანონის შესაბამისად განხორციელებული ტენდერების შედეგად წარმოქმნილი ეკონომიებისა და ქალაქ თბილისის მუნიციპალიტეტის მერიის სტრუქტურული ერთეულებისა და სხვა საბიუჯეტო ორგანიზაციების მიერ წარმოდგენილი დამატებითი მოთხოვნების შესახებ წინადადებები.

ბიუჯეტის შემოსავლების ზრდისა და მოძიებული რესურსის გათვალისწინებით ასიგნებები გადანაწილდა შემდეგ პროგრამებსა და ქვეპროგრამებზე. მათ შორის:

იზრდება შემდეგი პროგრამის/ქვეპროგრამის ასიგნებები:

გზების მშენებლობა აღდგენა 16 500,0 ათასი ლარით; გზების მოვლა-შეკეთება საბურთალოს რაიონში 60,0 ათასი ლარით; კეთილმოწყობის ღონისძიებები საბურთალოს რაიონში 259,3 ათასი ლარით; 2015 წლის 13-14 ივნისს ძლიერი წვიმის შედეგად გამოწვეული სტიქიის სალიკვიდაციო ღონისძიებები 800,0 ათასი ლარით; დედაქალაქის მიწათსარგებლობის გენერალური გეგმა 500,0 ათასი ლარით; საქალაქო საავტობუსო ტრანსპორტით, მიწისქვეშა ელექტროტრანსპორტით (მეტრო) და საბაგირო გზით საქალაქო რეგულარული სამგზავრო გადაყვანისას უფასო და შეღავათიანი ტარიფით მოსარგებლე პირთა მომსახურება 2 927,6 ათასი ლარით; საზოგადოების განათლებისა და ინფორმირების ხელშეწყობა 286,6 ათასი ლარით; საზოგადოებისათვის მნიშვნელოვანი ინფორმაციის გავრცელება 130,0 ათასი ლარით, ა(ა)იპ საზოგადოებასთან კომუნიკაციის განვითარების სააგენტოსათვის; ცხოველთა მონიტორინგი 167,0 ათასი ლარით; ბიუჯეტის სარეზერვო ფონდი 500,0 ათასი ლარით. ამასთან, წარმოდგენილ პროექტი ასახულია წყალმომარაგების სისტემის მოწესრიგება მთაწმინდის რაიონში ქვეპროგრამის ასიგნებები 17,5 ათასი ლარის ოდენობით.

მცირდება:

გზების მოვლა-შეკეთება ნაძალადევის რაიონში 71,7 ათასი ლარით; გზების მოვლა-შეკეთება ისნის რაიონში 357,2 ათასი ლარით; გზების მოვლა-შეკეთება მთაწმინდის რაიონში 100,0 ათასი ლარით; სატრანსპორტო ინფრასტრუქტურის მოწესრიგების ღონისძიებები 252,1 ათასი ლარით; საინჟინრო ნაგებობების და ინფრასტრუქტურის

ობიექტების მშენებლობა და აღდგენა-რეკონსტრუქცია 127,3 ათასი ლარით; ბინათმშენებლობა და ავარიული შენობების გამაგრება 119,0 ათასი ლარით; საპროექტო-საძიებო და კვლევითი სამუშაოები, ექსპერტიზა, კონსერვაცია და სხვა ღონისძიებები 113,4 ათასი ლარით; გარე განათების ქსელის ექსპლოატაცია და რეაბილიტაცია 19,5 ათასი ლარით; კეთილმოწყობის საქალაქო ღონისძიებები 377,3 ათასი ლარით; კეთილმოწყობის ღონისძიებები რაიონებში 636,7 ათასი ლარით; ქალაქის განვითარების ხელშეწყობა 6 500,0 ათასი ლარით; გამწვანების ღონისძიებები 136,1 ათასი ლარით; ბინათმესაკუთრეთა ამხანაგობების განვითარების ხელშეწყობა რაიონებში 2 849,9 ათასი ლარით, სასწრაფო სამედიცინო დახმარება 16,8 ათასი ლარით; წყალმომარაგების სისტემის მოწესრიგების ღონისძიებები საბურთალოს რაიონში 398,0 ათასი ლარით; თბილისის მედიათეკების გაერთიანების ხელშეწყობა 8,5 ათასი ლარით; სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა 35,6 ათასი ლარით; საბურთალოს რაიონის გამგეობა 11,3 ათასი ლარით. ამასთან, ქართული ფოლკლორის მოსწავლეთა სასახლის ლიკვიდაციისთან დაკავშირებით მცირდება მომუშავეთა რიცხოვნობა 41 ერთეულით, ხოლო ცხოველთა მონიტორინგის სააგენტოს სამტატო ნუსხის ცვლილებასთან დაკავშირებით მცირდება მომუშავეთა რიცხოვნობა 6 ერთეულით.

აზრი გამოთქვებს: რამინა ბერაძემ, დავით უთმელიძემ, ლევან დარახველიძემ, ირაკლი ნადირაძემ.

მათი აზრით „ბინათმესაკუთრეთა განვითარების ხელშეწყობის,, პროგრამებში არსებული თავისუფალი რესურსები უმჯობესი იქნება ისევ რაიონებში დარჩეს, ვინაიდან რაიონებს უამრავი პრობლემები აქვთ მოსაგვარებელი.

გაიოზ თალაკვაძემ განმარტა, რომ პროგრამებში არსებული რესურსი სუფთად ტენდერებიდან მიღებული ეკონომიებია და ამ თანხების გადანაწილება ამ ეტაპზე უფრო პრიორიტეტულ პროგრამებში, ხელს არ უშლის გამგეობებს სხვა დაგეგმილი პროექტების დასრულებაში.

ირაკლი ნადირაძის შეკითხვაზე, თუ რამ გამოიწვია სარეზერვო ფონდის გაზრდა, გაიოზ თალაკვაძემ განმარტა, რომ სარეზერვო ფონდიდან ფინანსდება ბერი გაბრიელ სალოსის ქუჩაზე მაცხოვრებელთა ბინის ქირები და წლის ბოლომდე არასაკმარისი თანხაა დარჩენილი.

შეკითხვების ამოწურვის შემდეგ სხდომის თავმჯდომარემ კენჭისყრაზე დააყენა საკითხი.

კომისიებმა ცალ-ცალკე უყარეს კენჭი თბილისის მუნიციპალიტეტის 2018 წლის ბიუჯეტში შესატან ცვლილებებს.


ქონების მართვის და საფინანსო-საბიუჯეტო კომისიის წევრებიდან ბიუჯეტის ცვლილებას ხმა მისცა 7 წევრმა, ირაკლი ნადირაძემ თავი შეიკავა, გოჩა თევდორაძემ კენჭისყრაში მონაწილეობა არ მიიღო.

ქონების მართვისა და საფინანსო საბიუჯეტო კომისიის წევრებმა ხმათა უმრავლესობით გადაწყვიტეს: „ქალაქ თბილისის მუნიციპალიტეტის 2018 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2017 წლის 15 დეკემბრის №6-8 დადგენილებაში ცვლილების შეტანის შესახებ პროექტი გატანილი იქნას საკრებულოს სხდომაზე განსახილველად.

სხდომა გამოცხადდა დახურულად.

ქონების მართვის და საფინანსო-საბიუჯეტო

კომისიის თავმჯდომარე



ირაკლი ზარქუა